

四庫全書

子部

欽定四庫全書

子部

玉海卷一百五十七

詳校官中書臣張經田

主事臣祁韻士覆勘

總校官進士臣朱 鈐

校對官編修臣蕭九成

謄錄監生臣朱文佐

欽定四庫全書

玉海卷一百五十七

宋 王應麟 撰

宮室

宮三

唐太極宮

西內

承天門

紀高祖武德元年五月甲子即皇帝位于太極殿

本隋之大

興殿今以帝即位改馬

太宗貞觀三年四月甲午始御太極殿

舊紀

甲子始於太極殿聽政

地理志上都皇城長千九百一十五步

廣千二百步宮城在皇城之北長千四百四十步廣九

百六十步周四千八百六十步其崇三丈有半龍朔高宗

後皇帝常居大明宮乃謂之西內神龍中宗元年曰太極

宮禮志大祭祀致齋太極殿蕃國主來朝皇帝親征

皇帝皇太子加元服皇帝納后皇太子納妃皇帝元正

冬至受羣臣朝賀臨軒冊皇太子皆設御幄于太極殿

皇帝藉田還明日班勞酒于太極殿六典宮城在皇

城之北南面三門中曰承天東曰長樂西曰永安

承天門隋

開皇二年作初曰廣陽門仁壽元年改曰昭陽武德元年改順天神龍元年改承天若元正冬至

大陳設宴會赦過宥罪除舊布新受萬國之朝貢四夷

之賓客則御承天門以聽政

蓋古之外朝也

其北曰太極門其

內曰太極殿朔望則坐而視朝焉

蓋古之中朝也隋曰太興門太興殿煬帝

改度福門貞觀八年改太極門武德元年改太極殿有東西上二閣門東西廊左右延明二門次北曰

朱明門左曰虔化門右曰肅章門肅章之西曰暉政門

虔化之東曰武德西門其內有武德殿延恩殿又北曰

兩儀門其內曰兩儀殿常日聽朝而視事焉

蓋古之內朝也隋曰

中華殿貞觀五年改為兩儀殿承天門之東曰長樂門北入恭禮門又北入慶化門則宮內也承天門之西曰

廣運門永安門北入安仁門又北入肅章門則宮內也兩儀殿之東曰萬春殿西

曰千秋殿兩儀之左曰獻春門右曰宜秋門宜秋之右

曰百福門其內曰百福殿百福之西曰承慶門內曰承

慶殿獻春之左曰立政門其內曰立政殿立政之東曰

大吉門其內曰大吉殿兩儀之北曰甘露門其內曰甘

露殿左曰神龍門其內曰神龍殿右曰安仁門其內曰

安仁殿又有興仁宣猷崇道惠訓昭德安禮正禮宣光  
通福光昭嘉猷華光暉儀時安綏福等門薰風就日翔  
鳳咸池臨照望仙鶴羽乘龍等殿凌煙翔鳳等閣舊  
史正門曰承天正殿曰太極太極之後殿曰兩儀內則  
殿亭館三十六所疑暉凌煙閣在焉 會要武德元年  
五月二十一日改隋大興殿為太極殿昭陽門為順天  
門神龍元年二月改為承天門景雲元年十月二十一  
日以京大內為太極宮 長安志當正殿曰承天門內

即朝堂東有肺石西有登聞鼓門下省在左延明門東  
南中書省在右延明門西南省內有舍人院洪文館在門下省  
東史館在門下省 雍錄由承天門南至朱雀門北是  
為宮城之內

唐大明宮

東內

蓬萊宮

含元宮

永安宮

地理志上都大明宮在禁苑東北南接京城之北面西  
接宮城之東北隅長千八百步廣千八十步曰東內本  
永安宮貞觀八年十月置

又鳳翔麟游西三十里有永安宮貞觀八年置會要長



安二年六月於雍州永安縣置宮名曰永安 九年正月改曰大明宮以備太

上皇清暑百官獻貲以助役高宗厭西內湫濕龍朔二

年始大興葺宮六月改曰蓬萊宮紀龍朔二年四月辛巳作蓬萊宮三年二月丙

戌減百官一月俸賦雍同等十五州民錢以作蓬萊宮會要三年四月移仗就蓬萊宮新作含元殿始御紫

宸殿聽政百官奉賀咸亨元年改曰含元宮三月四日丁丑改舊紀咸亨元年三月

丁丑改蓬萊宮為含元殿長安元年十一月戊寅改為大明宮又玄宗開元二年六月

月甲子以太上皇避暑徙御大明宮肅宗至德二載十二月丁未上皇自開遠門入大明宮御含元殿慰撫百

姓德宗貞元三年初作元英門觀於大明宮北垣 六典大明宮在禁苑之東

南西接宮城之東北隅南面五門正南曰丹鳳門東曰

望仙門次曰延政門西曰建福門次曰興安門南當皇城之啓

夏門舊京城入苑之北門開皇三年開餘四門與宮同置李華含元殿賦云望仙闕於巽維建福敞於坤隅

丹鳳門內正殿曰含元殿殿即龍首山之東趾也階上高於平地四十餘尺南去丹

鳳門四百餘步東西廣五百步元正冬至於此聽朝也夾殿兩閣左曰翔鸞閣右

曰栖鳳閣與殿飛廊相接夾殿東有通乾門西有觀象門閣下即朝堂石登聞鼓如承天之制

含元殿賦云告善之旌登聞之鼓其北曰宣政門門外東廊曰齊德門

西廊曰興禮門內曰宣政殿宣政左右有中書門下二省弘文史二館含元殿

賦云左黃門而右紫  
微命伊臯而為長

殿前東廊曰日華門門東門下省

省東南北街南直含耀門出昭訓門宣政殿前西廊曰  
月華門門西中書省省西南北街南直昭慶門出光範  
門宣政之左曰東上閣右曰西上閣次西曰延英門其  
內之左曰延英殿右曰含象殿宣政北曰紫宸門其內  
曰紫宸殿即內朝  
正殿也殿之南面紫宸門左曰崇明門右曰  
光順門殿之東曰左銀臺門西曰右銀臺門次北曰九  
仙門殿之北面曰元武門左曰銀漢門右曰青霄門其

內又有麟德凝霜承歡長安仙居拾翠碧羽金鸞蓬萊  
含涼珠境三清含冰水香紫蘭等殿玄武明義大角等  
觀鬱儀結隣承雲修文等閣也 禮樂志唐初鐘磬凡

三十六簾蓬萊宮成增用七十二簾

賈曾為萬年主簿  
護役蓬萊宮

杜

甫獻三賦  
蓬萊宮

五行志含元路寢大朝會之所御也

餘見  
殿門

鄭后傳宣宗即位奉養大明宮 契苾何力傳龍朔

初司稼少卿梁修仁新作大明宮初植白楊更植以桐  
長安志大明宮高宗命司農少卿梁孝仁制造北據

高原南望爽塏 孫樵有大明宮賦 李華含元殿賦

建北宮之尊嚴上取法於天帝圖正殿之道居規崇山  
而定制因以鴻稱含元建名易乾坤之說曰含弘廣大  
又曰元亨利貞括萬象以為尊特巍巍乎上京玄象著  
明帝坐維三皇唐設位俯察仰參翼室正中游宮次南  
北起含元其容耽耽總而言之如山之壽則曰蓬萊如  
日之昇則曰大明頌曰帝作含元含元言言萃若日觀  
呀為天門

# 唐洛陽宮

地理志 東都隋置

太業元年移都

武德四年廢貞觀六年號洛

陽宮

太宗之幸者六高宗之幸者十四

顯慶二年

十二月丁卯

曰東都光宅

元年

九月甲寅

曰神都

宮名太初

神龍元年復曰東都天寶元年

曰東京上元二年罷京肅宗元年

一本云寶應

復為東都皇

城長千八百一十七步廣千三百七十八步周四千九

百三十步其崇三丈七尺曲折以象南宮垣名曰太微

城宮城在皇城北長千六百二十步廣八百有五步周

四千九百二十有一步其崇四丈八尺以象北辰藩衛  
名曰紫微城武后號太初宮都城前直伊闕後據邙山  
左瀍右澗洛水貫其中以象河漢東西五千六百一十  
步南北五千四百七十步西連苑北自東城而東二千  
五百四十步周一萬五千五十步其崇丈有八尺武后  
號曰金城 紀太宗貞觀四年六月乙卯發卒治洛陽  
宮十一年二月甲子三月癸丑一本又云丙  
午宴從官十一月丙  
午皆如洛陽宮十五年正月辛巳十月壬辰十八年十

月甲寅皆如洛陽宮十九年二月庚戌如洛陽宮以伐

高麗

初太宗為秦王建德世充平置酒大會洛陽宮論郭孝恪之功又召張儉見洛陽宮論遠西山川險

易見各傳

高宗顯慶二年閏正月壬寅七月丁亥十二月乙

卯並如洛陽宮丁卯以洛陽宮為東都四年閏十月戊寅五年四月癸巳十二月巳卯麟德二年二月壬午咸亨二年正月乙巳十二月丙戌儀鳳元年三月甲辰調露元年正月戊子永隆元年二月乙丑八月丁未永淳元年四月丙寅弘道元年四月巳未十一月丁未並如



東都 傳張元素貞觀四年發卒治洛陽宮乾元殿且  
東幸元素上書諫曰陛下初平東都之始層樓廣殿皆  
令撤毀豈有初則惡其侈靡今乃襲其彫麗帝顧房玄  
齡曰洛陽朝貢天下中朕營之意欲便四方百姓今元  
素言如此後雖露坐庸何苦耶詔罷役

皇甫德參亦諫

寶璣

為將作大匠修洛陽宮鑿池起山務極浮侈費不勝算  
太宗怒詔毀之免其官 姜確為少匠護作九成洛陽  
宮以幹力稱 謝偃太宗幸東都穀洛壞洛陽宮詔求

直言偃上書陳得失

十一年七月

會要武德四年十二月

七日使行臺僕射屈突通焚乾元殿應天門紫微觀以

其太奢

薛收傳秦王入洛觀隋宮室收進曰峻宇雕牆殿以亡土階茅茨堯以昌阿房興秦禍速露臺

罷漢祚永王重其言

貞觀三年太宗將修洛陽宮戴胄諫云云上

嘉之四年六月二十四日又修洛陽宮張元素諫云云

即停之 舊紀貞觀十一年三月丙申改洛州為洛陽

宮

六典貞觀六年改洛陽宮十二年車駕始幸洛陽

六典皇宮在皇城之北

東西四里南北二里周回十三里

南面三門中曰應天左曰興教右曰

光政

應天門端門若西京承天門

其內曰乾元門

若太極門東西廊有左右延福門

興教之內曰會昌章善光政之內曰廣運明福乾元之

左曰萬春右曰千秋其內曰乾元殿

即明堂也證聖元年所造上圓下方

八憲四闕高三百尺

殿之左曰春暉門右曰秋景門北曰燭龍門

明福之東曰武成門其內曰武成殿明福之西曰集賢

門其內曰集賢殿武成之北曰長壽殿集賢之北曰仙

居殿東曰億歲殿又東曰周明殿西北出曰洛城西門

其內曰德昌殿北曰儀鸞殿南出曰延慶門又南曰韶

暉門西南曰洛城南門其內曰洛城殿又北曰飲羽殿

洛城南門之西有麗景夾城自此潛通於上陽馬

會要顯慶元年敕田仁汪

因舊餘趾修乾元殿麟德二年三月十二日殿成天寶

二年正月二十八日築神都羅城號曰金城永泰元年

十二月修東都宮殿

舊紀云修洛陽宮

韋弘機傳高宗嘗言

兩都我東西宅然因隋宮室日仆不葺乃詔弘機兼將

作少府二宮督營繕

李林甫謂二都帝東西宮

褚無量傳內府舊

書無量建請繕錄補第以廣秘籍開元七年五月

六典開元

五年天子詔於東都乾元殿東箱部彙整比無量為之使

無量整比四部書成上令百姓官人入乾元殿東廊觀書無不驚嘆

官志開元十二年

東都明福門外亦置麗正書院

洛陽宮記

胡文修

禹因山川分畫九州大河之南厥土為豫考極相  
方實處天下之中風雨所會陰陽所和而沖氣鍾  
焉其川河洛圖書之淵珍符是興其鎮嵩高孕秀  
生賢神靈是宅其浸澗澗伊水之利環流灌溉壤沃物  
豐其地廣行平夷洞達萬方輻湊朝覲貢賦道理均焉

奠位宅中茲實帝王之居也高祖太宗肇造區夏據秦  
百二之勢襲漢累世之基定都長安以隆上京惟是洛  
宅雖不獲奉萬乘之駕建諸夏之本而文皇帝顧瞻歷  
覽眷此舊邦肇新東都作對咸秦乃以貞觀六年名洛  
陽宮凡體國之制仰模太紫擬象河漢者雖因隋之舊  
逮夫一新號名昭揭於兩觀之上則觚稜金爵璧門鳳  
闕焜耀改觀益隆唐家興王之氣矣太宗以神武英偉  
之姿一加眇眇榮名所被在物咸飾使巍巍茲宮復取

重於當世豈不韙哉開元之隆鑾輿時巡詔命儒臣宋  
璟馬惟白等博彙羣書於乾元殿又即明福門外置集  
賢書院置學士員校讎其間而藏書之富殆與長安大  
明宮集賢書院等不其盛歟臣幸預翰墨紀事迹本末  
載於文字臣之職也竊惟周家興於岐邠武王宅都於  
鎬至成王乃命周召相基定卜於茲新邑宣王中興大  
會諸侯纂承文武師徒狩獵詩人咏歌則洛陽於周為  
四方朝貢之地也尚矣太宗乃克大倣古以不廢周王

迺衡之迹用宏茲賁光于土中克紹上帝匹休成周嗚呼盛哉若夫城隅廣陋之度宮庭考室之制皆不足書書是宮有合先王之制者以詔後世云

### 唐長春宮

紀高祖起義兵九月甲子次長春宮

在同州朝邑縣本周武帝作時保定

五年宇文護築隋開皇中修之十六年十月己丑幸長春宮

太宗貞觀十二年二月

甲戌如長春宮

先是武德二年正月癸卯太宗鎮長春宮十月討武周乙卯高祖至長春送之

又幸長春宮親送太宗討武周

免朝邑今歲租賦降



囚罪玄宗開元八年十月辛巳如長春宮德宗貞元元年四月壬午渾瑊及李懷光戰于長春宮敗之 列傳

竇軌大業中高祖起兵軌募衆千餘人迎謁長春宮帝大悅使略地渭南 于志寧大業末高祖入關率羣從迎謁長春宮 長孫無忌高祖兵度河進謁長春宮

顏師古高祖入關謁長春宮 呂元膺辟長春宮判官魏謩為長春宮巡官 會要開元八年六月同州刺

史姜師度兼營田長春宮使二十年三月皇甫惟明充

後皆以他官充使至大歷九年宋晦以同州刺史充開

元九年十二月十七日敕同蒲絳河東西沙苑田並収

入長春宮二十九年十一月十七日敕新豐朝邑屯田

令長春宮使檢校

朝邑屯田姜師度於開元八年十月十七日開置

寶曆二年

九月敕同州長春宮莊宅置內莊宅使掌之 文苑梁

洽長春宮賦視河外之離宮信寰中之特美飛重樓之

沓秀繚長垣而層趾長者仁壽之符春者發生之所

大業十三年高祖起義自河東引兵而西濟河至朝邑

舍於長春宮休甲養士仍資永豐倉粟迄後此宮不廢  
揆之商周其殆西亳偃師之類歟

### 唐長樂宮

舊紀義寧元年高祖入關十月辛巳至長樂宮有衆二

十萬

十一月丙辰克長安還舍長樂宮約法十二條甲子入長安

武德五年三月丁

未秦王破劉黑闥四月庚戌還京師高祖迎勞於長樂  
宮 韋雲起傳高祖入關上謁長樂宮授司農卿 隋

志京兆大興縣有長樂宮

唐萬年縣

唐弘義宮

大安宮

獻獲大安宮

紀高祖武德五年七月甲申作弘義宮太宗貞觀三年

四月乙亥太上皇徙居大安宮

舒王傳高祖在大安宮太宗晨夕使尚宮問起居

甲午始御太極殿四年十月甲辰獵于魚龍川獻獲

于大安宮五年正月癸酉獵于昆明池丙子獻獲于大

安宮

一本又云貞觀六年十月乙卯帝偕中宮于茲侍燕服膳互陳上親捧輿至于殿門十月侍上皇

宴於大安宮帝與皇后更獻飲膳及服御之物

地理志京兆長安縣有大安

宮本弘義宮

會要武德五年七月五日

紀作營弘義甲申

宮初秦王居宮中承乾殿高祖以秦王有克定天下之

功建弘義宮以居之至九年七月高祖以弘義宮有山

林勝景雅好之貞觀三年四月乙亥乃徙居之舊紀四月辛巳徙居

改為大安宮一云九年七月改名二十三日太宗正位於太極殿紀云

甲午始御太極殿六年監察御史馬周上疏曰伏見大安宮居

在城之西其墻宇門闕之制方之紫微尚為卑小東宮

皇太子居之而在內大安至尊居之反在外願雉堞門

觀務從高顯以稱萬方之望則大孝昭矣又本傳

唐興德宮

地理志同州馮翊南三十二里有興德宮高祖將趨長安所次元和志在馮翊縣南三十二里義旗將趨京師軍次於忠武園因置亭子名興德宮屬家令寺

唐通義宮

高祖紀武德六年四月己未以故第為通義宮祭元皇

帝元正皇后于舊寢

舊紀武德元年三月戊辰立四廟於長安通義里第 會要興慶寺

通義坊本高祖舊宅武德元年為宮貞觀元年為尼寺

會要武德六年四月十

四日幸龍潛舊宅改為通義宮置酒高會

舊紀日賜從官帛有差

詔曰爰擇良辰言遵邑里

高祖舊居奉義監

禮同過沛事等歸譙

故老咸臻族姻斯會肅恭薦享感慶兼集

唐龍躍宮 慶善宮 武功宮

紀高祖武德六年十二月庚戌

會要九月舊紀乙巳

以奉義監為

龍躍宮

即高祖舊居

七年十月丁卯如慶善宮十二月丁卯

八年十月壬午如龍躍宮太宗貞觀六年九月己酉辛

慶善宮

上歡甚賦詩

十六年十一月丙辰獵于武功甲子辛

慶善宮 地理志京兆府高陵縣西四十里有龍躍宮

本高祖舊宅高祖置為宮 後德宗以宮為修真觀貞元中吳通微作修真宮銘 武

功縣南十八里臨渭水有慶善宮武德元年高祖以舊

第置宮 後廢為慈德寺 會要武德元年十月十八日以武功

舊宅為武功宮 四年閏十月己未次武功舊第 六年十二月九日

一本云庚戌 改為慶善宮貞觀六年九月二十九日太

宗幸慶善宮宴從臣於渭濱上賦詩云指麾八荒

定懷柔萬國夷單于陪武帳日逐衛文旄端宸朝四岳



無為任百司共樂還譙宴歡此大風詩賞賜閭里有同  
漢之宛沛焉起居郎呂才播於樂府被之管絃名曰功

成慶善樂

初太宗嘗過舊宅賦詩曰新豐停翠輦譙邑  
駐鳴笳一朝辭此去四海遂為家後重幸武

功詩云積善欣餘慶暢武悅成功白水巡前跡丹陵幸  
舊宮列筵歡故老高宴聚新豐瑞氣縈丹闕祥煙散碧

空

其年諫議大夫蘇世長侍宴於披香殿酒酣奏曰臣

昔在武功幸常陪侍見陛下宅宇纔蔽風雨當此之時  
亦以為足今初有天下而於隋宮之內又加雕飾欲撥  
亂其可得乎 舊史太宗生於武功之別館時有二龍

戲於館門之外貞觀十六年十一月丁卯宴武功士女於慶善宮南門酒酣上與父老等泣涕論舊事老人等

遞起為舞爭上萬歲壽

通鑑十六年十一月壬戌校獵岐陽田幸宮宴賜故老

竇后傳初太宗生而有二龍之符后於諸子中愛視尤

篤及即位過慶善宮覽觀哽欷享后於正寢

太宗以隋開皇十八

年十二月戊午生

尉遲敬德傳侍宴慶善宮

慶善宮記

莫冲

唐高祖神堯皇帝膺上天之正命仗旗建號是承隋作民主天下既定作都長安屬邑武功之南故第存焉迺即

位之元年詔以為武功宮六年十二月庚戌錫名慶善  
明年十月親臨幸焉惟武功宅關中之奧直太華而臨  
涇水廣川名阜左右回環天府神臯瓌偉絕特蓋神設  
鬼造以遺我神堯也踐祚之後九重邃宇仰模帝居其  
高明顯敞瑰麗靚深雖千百神功之舊而帝心拳拳未  
嘗一日不在武功也宅基業之宏大念開創之本初思  
有以顯飾而章異之以貽子孫萬世之傳矧惟密邇畿  
甸去邑不百里而近詎可以朝夕弗臨為戒爰詔有司

闕其地而斥大焉云云推原帝意夫豈為宮室之奉游  
觀之娛而已哉昭上帝之貺施聳率土之觀瞻不忘其  
初期於久遠使子孫知創業之艱難持守盈成之弗易  
也處心積慮其深遠哉太宗嗣服斯宮實篤生之地靈  
貺肇甄厥惟二龍仰憲光烈以昭揭休命聖心尤垂意  
焉玉車再戾合樂張燕賦詩十篇有懷柔萬國指揮八  
方之語呂才等謂帝以武定天下而守之以文制禮興  
樂祓飾隆平尤為帝王之極功至于聲詩紀述加惠開

迹之所庇允協雅頌之正因取而被之管絃名其樂曰  
功成慶善樂成而斯宮之美益彰太宗之雅志其休矣  
乎闕中漢舊都也上囿禁苑之內離宮別館三十六所  
室宇之制盛矣然長楊五柞止為投宿更衣之所屢身  
於不急之務至於慨念疇昔睠懷枌榆肇作新豐置立  
社邑外有勞民動衆之過而故址湮沒不彰後世無攷  
焉今慶善之作槩以西京宮室之制雖未足競麗而爭  
雄若乃營繕之本旨為昭休命而示子孫者則西京之

主蓋未知出此也

唐仁智宮

高祖紀武德七年五月丙戌

會要十日

作仁智宮

舊紀會要造於

宜州宜君縣

六月辛丑如仁智宮

地理志坊州宜君縣有

仁智宮武德七年置 韋挺傳武德七年帝避暑仁智宮

唐太和宮

翠微宮

頌

翠微殿

地理志京兆府長安縣南五十里太和谷有太和宮

元和

志太和宮在縣南五十里終南山太和谷

武德八年置

四月二十一日甲申造於終南山

貞觀十年廢二十一年復置曰翠微宮

四月乙丑改

籠山為

苑元和中以為翠微寺有子午關天寶二年尹韓朝宗

引渭水入金光門置潭于西市以貯林木大曆元年尹

黎幹自南山開漕渠抵景風延喜門入苑以漕炭薪幹

紀高祖武德八年四月甲申如鄠獵于甘谷作太和宮

太和谷在終南山後

六月甲子如太和宮太宗貞觀二十一年四

月乙丑作翠微宮五月戊子幸翠微宮二十三年四月

乙亥幸翠微宮 會要武德八年四月二十一日造太

和宮於終南山貞觀十年廢二十一年四月九日公卿

上言請修廢太和宮厥地清涼可以清暑詔從之

乙丑

遣將作太匠閻立德於壞順陽王第取材瓦以建之包

山為苑自栽木至設幄九日畢工因改為翠微宮正門

北開曰雲霞門視朝殿名翠微殿寢殿名含風殿并為

皇太子建別宮去臺連延里餘正門西開名金華門內

殿名喜安殿列傳崔仁師以帝幸翠微宮上清暑賦

以諷上稱善賜帛張昌齡貞觀末翠微宮成獻頌闕



下召見試息兵詔少選成文帝大悅

徐賢妃

會要云徐充容

貞觀末

會要云二十二年

言翠微玉華宮雖因山藉水無築構

之苦而工力和儻不謂無煩有道之君以逸逸人無道

之君以樂樂身 馬周帝幸翠微宮求勝地為起第

舊紀貞觀二十一年四月乙丑營太和宮於終南之上

改為翠微宮

宮在麗山絕頂太宗避暑于此後為寺

通鑑二十一年五

月戊子幸翠微宮庚辰上御翠微殿問侍臣曰朕才不

逮古人而成功過之止由五事耳 太宗有秋日翠微

宮詩

唐九成宮 萬年宮

地理志鳳翔府麟游縣西五里有九成宮

宮成增築二十七年

本

隋仁壽宮

開皇十三年二月丙子營十五年成三月丁亥幸

義寧元年廢貞觀

五年復置更名永徽二年曰萬年宮

九月癸巳改通鑑戊戌

乾封

二年

二月辛丑

復曰九成宮周垣千八百步并置禁苑及府

一作武

庫宮寺等

紀太宗貞觀六年三月戊辰五月癸

未八年三月庚辰十三年四月戊寅十八年四月辛亥

皆如九成宮

貞觀六年四月己亥太宗避暑於宮以杖刺地有泉湧出飲之可以愈疾秘書監檢

校侍中魏徵作醴泉銘碑在鳳翔

高宗永徽五年三月戊午麟德元年

二月癸卯如萬年宮總章元年二月戊寅二年四月己

酉咸亨元年四月庚午如九成宮 會要永徽二年九

月八日

通鑑  
戊戌

改九成宮為萬年宮乾封二年二月十日

辛丑復為九成宮三年四月將作大匠閻立德造新殿成

移仗御之謂侍臣曰朕性不宜熱所司頻奏請造此殿

既作之後深懼人勞今暑熱朕在屋下尚有流汗匠人

暴露事亦可憫所以不令精妙意者祇避炎暑耳長孫  
無忌曰聖心每以恤民為念天德如此臣等不勝幸甚  
五年三月幸萬年宮上謂太尉無忌曰此宮非直涼冷  
且去京不遠朕離此十年屋宇無多損壞昨者不易一  
椽一瓦便已可安乃親製萬年宮銘并序七百餘字羣

臣請刻石于永光門詔從之

集古錄萬年宮碑  
以永徽五年立

列傳

實后太宗幸九成宮夢后若平生明日詔有司發倉賑  
貧以為后報 魏徵帝幸九成宮吏改館宮御以舍李

靖王珪徵曰靖珪皆腹心大臣 馬周上疏曰明詔以  
二月幸九成宮太上皇春秋高宜朝夕視膳今所幸宮  
去京三百里而遠非能旦發暮至也上皇留熱處而陛  
下走涼處溫清之道臣所未安 姚思廉太宗幸九成  
宮思廉以為離宮游幸是秦皇漢武事非堯舜禹湯所  
為帝諭曰朕豈為游賞者乎 姜確貞觀中為少匠護  
作九成宮 薛仁貴永徽五年高宗幸萬年宮水暴至  
仁貴大呼以警宮內 百官志武德初改隋仁壽宮監

曰九成宮監

一本云  
總監

禮樂志高宗幸九成宮復奏破

陣樂嘆曰不見此樂垂三十年 舊紀咸亨四年七月

庚午九成宮太子新宮成上召五品以上宴太子宫極

歡而罷 德宗紀即位三年正月戊午罷九成宮貢立

獸炭 王勃九成宮頌扁牖六合奔走八神梯霄架極

考遺基於汶上稽典故典於淹中陽靈開避暑之宮景福

制追涼之殿銅龍對雷鐵鳳連薨浮丹麗紫棲霞冠月

禮讚三宮詩歌百堵

唐西宮

會要貞觀二年八月上日視膳西宮公卿奏以宮中卑溼請立一閣上恐所費過露臺不許紀開元四年正

月戊寅朔朝太上皇于西宮

受朝正殿畢  
親朝上皇

肅宗元年

建子月戊戌冬至朝聖皇於西宮

唐東宮

見儲宮

唐未央宮

實錄太宗貞觀七年十二月丙辰校獵少陵原戊午還  
宮從上皇置酒故漢未央宮三品以上咸侍上皇命突  
厥頡利可汗起舞又命南蠻酋長馮智戴詠詩既而笑  
曰胡越一家古未有也太宗奉觴上壽曰今四夷入臣  
皆陛下教誨非臣智力所及昔漢高祖亦從太上皇置  
酒此宮妄自矜大臣所不取也 太宗嘗幸未央宮草  
中見一人帶刀遽引還顧謂太子縱遣之 中宗景龍  
二年十二月甲寅幸漢故未央宮舊基引從臣賜宴



會要寶歷二年五月神策軍於苑內古長安城中修漢  
未央宮獲白玉牀長六尺 柳公權傳從幸未央宮帝  
駐輦曰朕有一喜邊戍賜衣久不時今中春而衣已給  
當賀我以詩 按兩京記隋文帝增修未央池會要寶

歷二年修未央宮長安志武宗會昌元年因游畋至未

央宮見其遺址詔葺之總三百四十九間作正殿曰通

光黃圖未央有通光殿蓋采舊名東曰韶芳亭西曰凝思亭立端門其

內門揭未央宮名命學士裴素撰記素重修漢未央宮記曰細草迎輦神

衣引

趙彥昭李乂有和幸長安故城未央宮詩 呂

大防圖以未央宮為通光殿

唐飛山宮 明德宮

紀太宗貞觀十一年正月庚子作飛山宮六月丁巳幸

明德宮

在洛陽

七月壬寅廢明德宮之玄圃院賜遭水家

高宗顯慶二年五月丙申幸明德宮

避暑

會要貞觀

十一年正月十四日新作飛山宮七月二十日廢明德宮及飛山宮之玄圃院以分給遭水之家 魏徵傳帝

作飛山宮徵上疏諫於是廢明德玄圃院賜遭水者

### 唐昭仁宮

魏徵傳太宗幸洛

政要云貞觀十二年

次昭仁宮

政要諫錄云顯仁宮

多所

譴責徵諫曰隋惟責不獻食或供奉不精而至於亡今正當兢懼戒約何令人悔為不奢

### 唐襄城宮 清暑宮

太宗紀貞觀十四年八月庚午作襄城宮十五年三月

戊辰

會要七日

如襄城宮

會要貞觀十七年八月五日營

襄城宮

閻立德傳

又要會

太宗幸洛陽詔立德按爽塏

建離宮清暑乃度地汝州西山控汝水睨廣成澤號襄

城宮役凡百九十萬雜費稱是宮成煩煥不可居十五

年三月九日

舊紀  
庚午

帝廢之以賜百姓

地理志臨汝有

清暑宮在鳴皋山南貞觀中置

唐玉華宮 玉華殿

太宗紀貞觀二十一年七月丙申

舊紀七月庚子通鑑同會要十二日

作

玉華宮

閻立德造

二十二年二月乙亥幸玉華宮

又二十一年八月壬

戊詔玉華宮制度務從菲薄更令卑陋二十二年三月  
丁亥詔曰即潤珣隍憑巖建宇土無文績木不彫鏤矯  
鋪首以荆扉變  
綺窻於甍牖

地理志玉華宮在坊州宜君縣北四

里鳳凰谷貞觀二十年置永徽二年廢為玉華寺

舊紀九月

癸己廢為寺會要九月三日  
元和志云寺內有肅成殿

會要正門曰南風門殿

曰玉華皇太子所居南風門東正門曰嘉禮門殿名暉

和殿正殿瓦覆餘皆葺之以茅意在清潔務從儉約二

十二年四月二十四日太宗以頻造離宮終費人力謂

侍從曰唐堯茅茨不剪以為盛德不知堯時無瓦瓦蓋

桀紂為之今朕構采椽於椒風之日立茅茨於有瓦之

時將為節儉自當不謝古者昔宮室之廣大役人工以

此再思不能無愧其月徐充容上疏諫二十三年一作

二年四月御製玉華宮銘詔令皇太子以下皆和貞觀二十

一年正月玉華宮李木連理隔澗合枝 房玄齡傳帝

幸玉華宮詔玄齡居守 閻立德傳為將作大監營翠

微玉華二宮擢工部尚書 藝文志藝術有閻立德畫

玉華宮圖 杜甫玉華宮詩有遺構絕壁之語

唐蘭昌宮 連昌宮

地理志河南福昌縣西十七里有蘭昌宮有隋故福昌

宮顯慶三年復置壽安縣西二十九里有連昌宮顯慶

三年置

元稹  
有詞

唐八關宮 合璧宮

高宗紀顯慶五年五月辛丑作八關宮 會要顯慶五

年四月八日

舊紀  
戊寅

於東都苑內造八關涼宮

舊紀云  
八關宮

五

月二十日改為合璧宮

舊紀壬  
戌幸改

實錄龍朔元年四月

丁卯乾封元年三月甲申咸亨三年四月庚午幸合璧

宮

舊紀龍朔元年三月壬戌麟德元年二月丁酉咸亨三年四月戊寅上元二年四月己亥並幸合璧宮

張文瓘傳乾封中造蓬萊上陽合璧等宮帑廡浸虛

文瓘諫

唐繡嶺宮

桃源宮

崎岫宮

蘭峰宮

地理志陝州峽石縣有繡嶺宮顯慶三年置靈寶縣有桃源宮武德元年置河南永寧縣西五里有崎岫宮西二十三里蘭峰宮皆顯慶三年置明皇雜錄上幸



東都至繡嶺宮

唐三內

地理志龍朔後皇帝常居大明宮謂之西內正宮神龍元

年曰太極宮隋大興宮也大明宮亦正宮在禁苑東北西接宮

城之東北隅曰東內本永安宮貞觀八年置九年曰大

明宮以備太上清暑高宗以風痺厭西內湫隘大興葺

曰蓬萊宮咸亨元年曰含元宮長安元年復曰大明宮

興慶宮離宮在皇城東南距京城之東開元初置十四年

增廣之謂之南內 雍錄諸帝多居大明或遇大禮大事復在太極如高宗玄宗五日一御太極亦有初即位不於大明而於太極者知太極尊於大明也興慶雖夾城可潛達大明當為離宮而已

唐太清宮 太微宮 洞霄宮 紫極宮 昇

仙宮

紀高宗乾封元年二月乙未如亳州祠老子追號太上  
玄元皇帝睿宗景雲二年四月甲辰作玄元皇帝廟玄

宗開元二十九年正月丁酉立玄元皇帝廟 天寶元

年神仙道家之說興正月甲寅陳王府參軍田同秀言

玄元皇帝降于丹鳳門

大明宮正門

通衢乃建廟二月辛卯

享玄元皇帝于新廟甲午享于太廟二年正月乙卯作

昇仙宮丙辰加號玄元皇帝為太聖祖三月壬子享于

玄元宮追號大聖祖父周上御大夫敬曰先天太皇臯

陶曰德明皇帝涼武昭王曰興聖皇帝改西京玄元宮

曰太清宮東京曰太微宮仍於天下諸郡為紫極宮秋

改譙郡紫極宮為紫微宮

九月辛酉譙郡紫微宮改為太清宮

天寶八年

閏六月丙寅謁太清宮加上玄元皇帝號曰聖祖大道

玄元皇帝九載十月太白山人王元翼言玄元皇帝降

于寶僊洞十載正月壬辰朝獻太清宮癸巳朝享太廟

甲午有事於南郊十三載二月壬申朝獻于太清宮加

上玄元皇帝號曰太聖祖高上大道金闕混元天皇大

帝

肅宗至德二載通化郡言混元皇帝降武宗會昌五年九月改修太微宮十一月畢六年十月遣使薦獻

禮樂志天寶元年因田同秀言建玄元廟二月辛卯

親享玄元皇帝廟甲午親享太廟丙申有事于南郊其  
後遂以為故事終唐之世莫之能改也初太清宮成太  
常卿韋縚製景雲九真紫極小長壽承天順天樂六曲  
地理志亳州真源縣有老子祠天寶二年曰太清宮  
又有洞霄宮先天太后祠也 舊紀天寶二年改天下  
諸郡玄元廟為紫極宮九月辛酉譙郡紫微宮改曰太  
清宮 長安志田同秀上言玄元皇帝降見丹鳳門之  
通衢以天下太平聖壽無疆之言傳於玄宗仍告賜靈

符尹喜之故宅上遣使就桃林縣函谷關令尹臺西得之於是置廟於太寧坊東都於積善坊取太白山白石為真像袞冕之服當辰南向玄宗肅宗真容侍立於左右皆朱衣朝服宮垣之內連接松竹以像僊居殿十二間四柱前後各兩階東西各側階一其宮正門曰瓊華東門曰九靈西門曰三清御齋院在宮之東公卿齋院在宮之西 宰相表興元元年十二月己卯同平章事李勉加太清宮使盧翰加太微宮使 李庾西都賦薦

祖建宮玄元之庭霞帔雲冠飄飄太清天子將有事也  
歲旦時籩夏簋殷劔傳金爐之御煙開甲帳之琳琅此  
王者之示孝也 杜甫朝獻太清宮賦

天寶十  
三載上

歷良辰

而戒吉乘輿備乎冕裘甲子王以昧爽春寒薄而清浮  
虛閭闔逗蚩尤張猛馬出騰虬梢熒惑墮旄頭風伯扶  
道雷公挾輶通天台之雙闕警溟漲之十洲浩劫礪礪  
萬仙颺颺歛臻于長樂之舍巍入乎崑崙之丘太一奉  
引庖犧在右堯步舜趨禹馳湯驟斷紫雲而踈牆撫流

沙而承雷仡神光而紺閭羅詭異以戢普地軸傾而融  
曳洞宮儼以嶷岌九天之雲下垂四海之水皆立 馮

宿撰太清宮鐘銘

朝獻太清宮 肅宗元年建子月己酉代宗廣德二年  
二月癸酉德宗建中元年正月己巳貞元六年十一月  
戊辰九年十一月癸未憲宗元和二年正月己丑穆宗  
長慶元年正月己亥敬宗寶曆元年正月己酉文宗太  
和三年十一月壬辰武宗會昌元年正月己卯五年正



月己酉宣宗大中元年正月壬子

唐神臺宮 瓊岳宮 金城宮

地理志華州鄭縣東北三里有神臺宮本隋普德宮咸亨三年更名華陰西十八里有瓊岳宮故隋華陰宮顯慶三年更名華陰東十三里有隋金城宮武德三年廢顯慶三年復置鳳翔府蓋屋有隋宜壽宮

元和志隋宜壽宮在蓋屋

縣東南三十二里

唐上陽宮 宿羽高山宮

地理志上陽宮在東都禁苑之東東接皇城之西南隅

東京記在皇城西南東苑

上元中置

會要上元二年

高宗之季常居以聽政

虢州湖城有故隋上陽宮貞觀初置咸亨元年廢

隋志河南

桃林有上陽宮

韋弘機傳高宗常言兩京我東西宅然因隋

宮室日仆不全將更作奈財用何弘機言臣任司農十

年省常費三十萬緡以治宮室可不勞而成帝大悅詔

兼將作少府二官督營繕初造宿羽高山等宮徙洛中

橋於長夏門廢利涉橋人便之天子乃登洛北絕岸延

眺良久歎其美詔即其地營宮所謂上陽者

武后於上陽宮令術

家撰方域等篇器似盆而淺中有隱起雙鯉之狀魚間有四篆字曰長

東京記韋弘機造上陽宮掘地得銅

宜子孫時人以為李氏再興之符

六典上陽宮在皇城之西南

南臨洛水

西拒穀水東面即皇城右掖門之南上元中營造

東面二門南曰提象門北曰

星躔門提象門內曰觀風門南曰浴日樓北曰七寶閣

其內曰觀風殿其西則有西上陽宮

兩京記云上陽宮西有西上陽宮

北曰化成院西南曰甘露殿殿東雙曜亭又西曰麟趾

殿東曰神和亭西曰洞元堂觀風之西曰本枝院又西

曰麗春殿殿東曰含蓮亭西曰芙蓉亭又西曰宜男亭  
北曰芬芳亭其內曰芬芳殿宮之南面曰僊洛門又西  
曰通仙門其內曰甘湯院次北東上曰玉京門門內北  
曰金闕門南曰太初門玉京之西曰客省院蔭殿翰林  
院又西曰上陽宮宮西曰含露門玉京西北出曰僊桃  
門又西曰壽昌門門北出曰玄武門門內之東曰飛龍  
殿 會要儀鳳四年車駕入洛乃移御之上陽宮神龍  
元年二月朝則天皇帝於上陽宮敕十日一朝侍御史

盧懷慎諫 通鑑長安三年十一月丙申宴突厥使於  
宿羽臺太子預焉 舊紀開元二十年四月乙亥宴百  
官於上陽東洲 李庾東都賦上陽別宮丹粉多狀鴛  
瓦麟翠虹梁疊壯出地標圖臨池馮障霄倚霞連屹屹  
言言翼太和而聳觀側賓曜而䟽軒若蓬萊之真侶瀛  
洲之列仙鸞駕鶴車往來中天 賈登上陽宮賦杳雲  
宇而承天擎露蓋而洗日 謝觀上陽宮望幸賦宮闕  
崇崇縈帶洛河之上

唐紫桂宮 芳桂宮

高宗紀調露元年五月戊戌作紫桂宮於澠池之西永隆元

年四月乙丑如紫桂宮 地理志河南府澠池縣西五

里有紫桂宮儀鳳二年置會要作四年五月十九日調露二年曰避

暑宮永淳元年四月十五日改曰芳桂宮弘道元年廢陝州陝縣

有陝城宮 舊紀永淳元年四月戊寅次紫桂宮二年五月

庚寅幸芳桂宮至合璧宮 韋弘機傳永淳中帝幸東

都至芳桂宮召弘機檢校園苑

唐奉天宮

舊紀永淳元年七月己亥同紀造奉天宮於嵩山之陽志在

河南登封縣二年即弘道元年正月甲午朔幸奉天宮紀同本云正月

庚子至奉天宮十一月癸亥幸奉天宮 會要永淳元年七月

造奉天宮於嵩山之陽弘道元年十二月廢文明元年

二月改為嵩陽觀舊紀調露二年二月己未幸嵩陽觀又幸逍遙谷道士潘師正所居

禮樂志永淳元年作奉天宮於嵩山南遂幸焉將以明年封禪不克至武后遂登封焉 列傳韓爰諫廢王后

貶死內外以言為諱將二十年帝造奉天宮御史李善  
感始上疏極言時人喜之謂為鳳鳴朝陽 潘師正居  
逍遙谷高宗營奉天宮敕直逍遙谷作門曰僊遊北曰  
尋真時太常獻新樂帝更名祈仙望仙翹仙曲 王方  
翼高宗召議西域事見奉天宮賜食具對熱海苦戰狀

唐萬全泉宮

高宗紀永淳元年七月

通鑑

作萬泉宮

舊紀永淳元年七月己亥於藍

田造萬全宮

會要儀鳳三年正月七日於藍田作涼宮名



萬全

通鑑  
作泉

宮弘道元年十二月七日廢

地理志京兆

藍田永淳元年作萬全宮弘道元年廢

### 唐晉陽宮

地理志北都天授元年置神龍元年罷開元十一年復  
置天寶元年曰北京上元二年罷肅宗元年復為北都  
晉陽宮在都之西北宮城周二千五百二十步崇四丈  
八尺都城左汾右晉潛丘在中長四千三百三十一步  
廣三千一百二十二步周萬五千一百五十三步其崇

四丈汾東曰東城貞觀十一年長史李勣築兩城之間  
有中城武后時築以合東城宮南有大明城故宮城也  
宮城東有起義堂倉城中有受瑞壇高祖使子元吉留  
守獲瑞石有文曰李淵萬吉築壇祠以少牢 明皇御  
製晉陽宮詩有念成功懷經綸之句 見張說集 漢明遲  
回於南陽魏文殷勤於譙國 宋有丹徒宮齊有青  
溪宮

唐汾陽宮

狄仁傑傳高宗幸汾陽宮 隋紀大業三年八月壬寅  
詔營晉陽宮十一年三月己酉幸太原避暑汾陽宮

唐三陽宮 興泰宮

武后紀久視元年一月戊寅復于神都作三陽宮四月  
戊申如三陽宮長安四年正月丁未作興泰宮四月丙  
子如興泰宮 會要聖歷三年十一月二十八日造三  
陽宮於嵩陽縣久視元年張說以車駕在三陽宮不時  
還都上疏諫長安四年正月二十二日丁未毀三陽宮取

其材木造興泰宮於壽安縣之萬安山左拾遺盧藏用  
諫不從 地理志河南府登封有三陽宮聖歷三年置  
壽安西南四十里萬安山有興泰宮長安四年置 韋  
安石傳武后幸興泰宮議趨疾道安石曰此道版築所  
成非自然之固后為回輦 武三思傳建營三陽宮於  
嵩山興泰宮於萬壽山請太后歲臨幸 玄宗紀開元  
十年十月甲寅如興泰宮獵于上宜川

唐通天宮 萬象神宮

見明堂類 舊紀神龍元年正月丙午中宗即位於通  
天宮

唐銀潢宮

文苑英華魏元忠有侍宴銀潢宮詩

玉海卷一百五十七

欽定四庫全書

玉海卷一百五十八

宋 王應麟 撰

宮室

宮四

唐興慶宮

南內

勤政樓

花萼樓

附詳見樓類

興慶宮本明皇舊第也開元二年七月宋王成器等請

獻興慶坊宅為離宮甲寅制許之故作興慶宮

舊史開元元年

二月以隆慶舊邸為興慶宮在隆慶坊 玄宗名隆基  
即位改興慶宮紀作二年九月庚寅會要作二年七月  
二十九日志作開元初傳作先天後通  
鑑作開元二年七月甲寅年月不同 九月庚寅有詔

興役 地理志興慶宮在皇城東南距京城之東開元

初置至十四年又增廣之謂之南內二十年六月築夾城

入芙蓉園

一本云自大明宮夾城復道經通化門以達此宮往來兩宮而人不知之 交城復道即

六典所謂磴道潛通也

會要初上在藩邸與宋王成器等同居

于興慶里人號曰五王宅至景龍末邸內有龍池湧出  
日以浸廣望氣者云有天子氣中宗數幸其地命泛舟



以駝象踏氣以厭之至是為宮焉後於西南置樓南題

曰勤政務本之樓西題曰花萼相輝之樓

張九齡撰龍池頌刊石興

慶宮

讓皇帝傳初睿宗五子列第東都積善坊號為五

王子宅及賜第上都隆慶坊亦號五王宅

舊紀聖曆元年玄宗出閣

賜第於東都積善坊大足元年從幸西京賜宅於興慶坊

玄宗為太子嘗製大衾長

枕與諸王共之睿宗知喜甚及先天後盡以隆慶坊舊

邸為興慶宮而賜寧王及薛王第於勝業坊申岐二王

於安興坊環列宮側天子於宮西南置樓其西曰花萼

相輝之樓

六典曰取詩人崇棣之意

南曰勤政務本之樓帝時登之

聞諸王作樂必亟召升樓與同榻坐或就幸第賦詩宴

嬉賜金帛侑歡諸王五日朝側門世謂天子友悌古無

有者

開元二十五年玄宗戒諸王曰吾自奉先帝宮室不敢有加時加補葺已愧於勞人矣惟興慶創制

乃朝廷百辟卿士以吾舊邸因欲修建不免羣卿考室之辭是俟庶人子來之請亦所以表休徵之地新作南樓本欲察吐俗採風謠以防壅塞是亦吾闡四門達四聰之意時有宴樂不徒然也又因大哥遜朱邸以成花萼相輝之美歷觀自古聖帝明王有所興作欲以助教化也吾所冀者式崇順睦漸漬薄俗令其人信厚耳

六典興慶宮在皇城之東南東距外郭城東垣

即今上龍

潛舊宅也開元初以為離宮十四年又取永嘉勝業坊之半以置朝自大明宮東夾羅城經通化門磴道潛通

馬宮之西曰興慶門其內曰興慶殿即正衙殿次南曰

金明門門內之北曰大同門其內曰大同殿宮南曰通

陽門北入曰明光門其內曰龍堂通陽之西曰花萼樓

樓西即寧王第取詩人棠棣之義樓西曰明義門其內曰長慶殿宮北

曰濯龍門其內左曰芳苑門右曰麗苑門南走龍池曰

瀛洲門內曰南薰殿瀛洲之左曰仙雲門北曰新射殿

又有同光承雲初陽飛軒主華等門飛仙交泰同光崇光等殿所居宅之東有舊井忽涌為小池至景龍中為

龍池焉蓋符命之先也

開元十六年正月十三日

一云戊戌朔  
舊云正月庚

子始移仗於興慶宮聽政十九年正月丙子耕于興慶

宮二十年六月廣花萼相輝樓築夾城至芙蓉園天寶

四載突厥毗伽可汗妻骨咄祿婆匐可敦率衆自歸天子為御花萼樓宴羣臣賦詩以美其事七載五月壬午

上御興慶宮受冊徽號十載四月二十一日興慶宮造交泰殿成十一載發華陰扶風馮翊三郡工匠及京城人夫萬三千五百人築興慶宮城四十日畢十三載五

月壬戌觀酺于勤政樓北廷都護程千里俘阿布思以  
獻十月一日御勤政樓四科舉人問策外更試詩賦各  
一道制舉試詩賦自此始肅宗至德二載十二月丁未  
上皇至自蜀郡居於興慶宮乾元二年十一月丁亥冬  
至朝聖皇于興慶宮翌日受朝含元德宗貞元十三年  
四月壬戌雩于興慶宮順宗永貞元年八月辛丑太上  
皇居興慶宮二年正月丙戌朔太上皇於興慶宮受朝  
賀皇帝率百僚奉上尊號

一本云永貞二年正月  
丙子朔一云丙寅奉冊

冊文

曰功成不處褰裳去之付神器於沖人想汾陽以高蹈

體堯之德與神同符其動也天其靜也地

文見實錄

憲宗元

和三年十月修南內宮牆十四年三月修勤政樓文宗

大和元年五月丙寅赴興慶宮上壽十一月甲申南至

百僚詣興慶宮及光順門行朝賀之禮四年四月有司

貢新瓜獻興慶宮奉太皇太后及皇太后分賜十宅諸

王已下十一月己亥南至謁興慶宮五年正月庚子朔

朝賀太皇太后于興慶宮

禮樂志玄宗嘗以馬舞傾

孟數十曲每千秋節舞于勤政樓下後賜宴設醑亦會  
勤政樓其日太常卿引雅樂間以胡夷之伎擊雷鼓奏  
小破陣樂歲以為常 于休烈傳肅宗時經大盜後史  
籍燔毀休烈奏國史開元實錄起居注及餘書三千八  
百餘篇藏興慶宮兵興焚煬皆盡請下御史覈史館所  
由求之府縣有能得者許上送官一書進官一資一篇  
絹十疋數月止獲得一二篇惟韋述以家藏國史百三  
十篇上獻 李輔國傳肅宗時太上皇居興慶宮帝自

復道來起居太上皇亦間至大明宮或相逢道中太上皇每置酒長慶樓南俯大道裴回觀覽或父老過之拜舞而去 王難得傳憲宗朝太后南宮 憲宗郭后傳穆宗嗣位后移御興慶宮凡朔望三朝帝率百官詣宮中為壽或歲時慶問宴饗後宮戚里內外命婦車騎駢墜環佩之聲滿宮

唐龍池宮

地理志河中府安邑縣開元八年置龍池宮



唐啟聖宮 飛龍宮 瑞閣 述聖頌

玄宗紀開元十一年正月己巳如并州庚辰十四日次潞

州赦囚給復五年以故第為飛龍宮後又更名啟聖地理志

潞州上黨縣有啟聖宮本飛龍宮玄宗故第開元十一

年置後又更名有瑞閣會要作十二年正月十四日改潞州舊宅為飛龍宮舊

紀開元二十年十月辛卯至潞州之飛龍宮曲赦 張

說上黨舊宮述聖頌開元十一祀正月皇帝展義于河

東留宴上黨三月庚午飲至長安於是邠王臣守禮開

府儀同三司臣璟等抗疏僉曰潞人懷代邸詠泗亭將  
表潛龍之館勒啟聖之圖陛下昔居是州也紫雲在天  
神光照室白鹿來擾黃龍上升隴出僊洞而神魚躍山  
開禪穴而靈鍾韻謠言合讖巨跡引途嘉李傍連祥著  
自起云昔龍負圖而大舜登狼銜鈎而后殷昌玄圭  
錫於夏禹赤伏歸於漢光應運協符希代稱寶未有窮  
祥極瑞倣儻瓌異如今之至者願聽潞人以揚丕烈又  
豐沛著啟祚之美穰鄧有建都之榮張說集有御製  
次舊居詩序云向駕駟馬而朝京師今乘六龍而問風

俗金石錄上黨啟聖宮頌明皇撰八分書天寶十二

載二月

金石錄又有上黨宮宴羣臣故老詩

唐溫泉宮 華清宮

玄宗紀開元十一年十月丁酉幸溫湯作溫泉宮自開元十五年十二月乙亥至天寶十四載十月庚寅幸華清溫泉宮凡二十八率歲一幸或一歲再幸 地理志

京兆府昭應縣有宮在驪山下貞觀十八年置咸亨二年始名溫泉宮天寶元年更驪山曰會昌山三載以新

豐去宮遠折新豐萬年置會昌縣六載

十月巳酉

更溫泉曰

華清宮

華清宮在臨潼溫泉山取魏都賦溫泉  
楚涌而自浪華清蕩邪而難老之意

宮有湯

井為池環山列宮室又築羅城置百司及十宅

十二月  
壬戌

會要是年十月三日  
改華清之名

七載省新豐更會昌縣及山曰昭應

會要天寶元年十月造長生殿名為集靈臺以祀神

七載十二月二日玄元皇帝降于朝元閣改為降聖閣

八載四月新作觀風樓

在宮外  
東北隅

六載十二月二十一日

發馮翊華陰民築會昌羅城於湯所置百司列傳房

瑄天寶五年為給事中時玄宗有逸志數巡幸廣溫泉  
為華清宮環宮置百司區舍以瑄資機筭詔總經度驪  
山疏巖別藪以為天下游觀 陳元禮玄宗在華清宮  
正月望夜將出游元禮諫曰陛下必出游願歸城闕帝  
不能奪 楊妃每十月帝幸華清宮五宅車騎皆從家  
別為隊隊一色俄五家隊合爛若萬花川谷成錦繡遺  
鈿墮舄狼籍于道香聞數十里 楊國忠玄宗常歲十  
月幸華清宮春乃還必遍諸楊五家 韋陟守河東天

寶十二載入考華清宮 柳子華代宗將幸華清宮先

命整葺以子華為昭應令修宮使 舊紀天寶九載正

月庚寅朔一云辛卯與歲次同始受朝於華清宮十二載正

月丁酉朔御華清宮之觀風樓受朝賀 穆宗紀長慶

二年十一月庚午皇太后幸華清宮 韓休有駕幸華

清賦 李程有華清宮望幸賦云閣有朝元殿有長生

溫湯在臨潼縣南一百五十步麗山西北十道志曰

貞觀十八年詔闡立德建溫泉宮太宗臨幸製碑咸亨

三年名溫泉宮

唐年小錄曰開元十年置實錄與元和志曰開元十一年置溫泉監一人掌

湯池

### 唐望春宮

地理志京兆萬年縣有望春宮臨澧水西岸有北望春

宮宮東有廣運潭 會要開元二十六年正月六日修

望春宮 舊紀太和七年十二月庚子幸望春宮 姚

南仲傳代宗時上疏曰王者必據高明燭幽隱先皇所

以因龍首而建望春也 李景讓賦青門之左層谷嶙

岫標上苑而獨出儼復道而明望南山之翠色盈前渭  
水之素光在下 西京紀西京禁苑內有望春宮在高  
原之上東臨灞澹今上曾登北亭賦春臺詠朝士奉和  
凡數百

唐遊龍宮

地理志京兆渭南西十里有遊龍宮開元二十五年更

置東十五里有隋崇業宮

元和志同

唐昇仙宮



玄宗紀天寶二年正月乙卯作昇仙宮

唐三宮

杜暹傳開元中帝幸東都以暹為京留守暹率當番衛

士繕三宮城浚池督役不少懈帝聞嘉之數賜書褒勞

一本云因抽當番衛士繕修三宮增浚城隍上賜書曰  
城隍宮室隨事修營且有成功不疲人力甚慰朕懷

蕭太后傳太和中懿安郭皇后居興慶宮寶曆王太

后穆宗居義安殿后居大內蕭后文宗母也號三宮太后帝五日

問安三宮有司獻四時新物送三宮亦稱賜帝曰上三

宮何可言賜遽索筆滅賜為奉

一本云文宗始即位內園進櫻桃將以賜三宮

太后帝曰馬可以為賜援筆易曰奉

開成中

四年

正月望夜

丁卯

帝御咸泰殿

大然燈作樂迎三宮太后奉觴上壽

郭太后傳移御興慶宮凡朔望三朝

帝率百官詣宮門為壽

武宗時徙積慶殿又號積慶太后

### 唐咸宜宮

蘇頲傳玄宗游咸宜宮羽獵

開元十五年

### 唐望賢宮

地理志京兆咸陽縣有望賢宮

舊紀至德二載十二

月丙午上皇至自蜀上至望賢宮奉迎上皇御宮南樓  
上望樓辟易下馬趨進樓前再拜舞蹈稱慶丁未居興  
慶宮 藝文志藝術類有楊昇畫望賢宮圖一卷

唐靈武受命宮

肅宗 楊炎作頌序曰靈武宮皇帝躍龍之所丁卯廣  
平王俶等排闥以訴曰陛下涉渭則洪流洄迴鑿則慶  
雲見布澤而川池廣勤道而嘉禾生帝乃灑齋宮啓金  
匱大赦改元曰至德是日黃龍見於東野紫氣滿於天

門以一旅成百萬之師率胡夷平社稷之難是以白鹿  
擾於王庭靈芝產於延英赫赫河圖啓天之祐雲從億

萬皇在九五盡武之善去湯之慙

廣平王倣請  
築宮當考

肅宗

紀天寶十五歲七月辛酉太子至靈武甲子即位改元  
至德

唐魚藻宮

又見  
池類

順宗紀為皇太子嘗侍宴魚藻宮

禁苑池中有山山上  
建魚藻宮在大明宮

北 德宗貞元十二年九月癸卯十三年  
七月幸 王建詩謂池底張錦亦奢矣

張水戲綵艦

宮人為擢歌衆樂間發德宗歡甚顧太子曰今日何如

太子誦詩好樂無荒以對 穆宗紀元和十五年九月

辛丑觀競渡角抵于魚藻宮

舊紀元和十五年七月壬辰幸魚藻池發神策六軍

二千人浚之九月辛丑大合樂於魚藻宮觀競渡

敬宗紀寶曆元年五月庚

戌二年三月戊寅五月戊寅觀競渡于魚藻宮 西京

雜記漢有魚藻宮

### 唐宮室制

百官志左校令宮室之制自天子至士庶有等差 車

服志文宗下詔

太和元年五月

王公之居不施重拱藻井三品

堂五間九架門三間五架五品堂五間七架門三間兩

架六品七品堂三間五架庶人四架而門皆一間兩架

常參宮施懸魚對鳳瓦獸通椽乳梁

建隆洛陽宮殿圖 東京大內 大寧宮

東京大內據闕城之西北宮城周回五里

即唐宣武節度使治所梁

以為建昌宮後唐復為宣武軍治晉為太寧宮國朝建隆三年五月詔廣皇城命有司畫洛陽宮殿按圖而修

之自是皇居壯麗矣南三門曰宣德左掖右掖東一門曰東華西

曰西華北曰拱宸宣德門內南門曰大慶正殿曰大慶

次北文德殿門次文德殿東南隅有鼓樓漏室西南

鐘樓殿次北門曰左右銀臺西紫宸殿

即視朝之前殿

次西垂

拱殿其後福寧殿次後柔儀殿欽明殿其西睿思殿福

寧殿東慶壽宮慶壽萃德二殿福寧殿西寶慈宮寶慈

如徽二殿福寧殿後坤寧殿凡禁中殿閣有嘉慶殿觀

文殿延真門積慶殿感真閣福聖殿壽寧堂慶雲殿玉

京殿清景殿西涼殿慈德殿景寧殿垂拱殿門次西皇

儀殿次西集英殿殿後需雲殿

即玉華殿

東有昇平樓

舊曰紫雲

廊北龍圖閣閣東序資政崇和二殿西序宣德述古二

殿其北天章閣閣東西序羣玉藻珠二殿次北寶文閣

閣東西序嘉德延康二殿東華門外西北廊元符觀有

諺門門內南廊慶寧宮西華門內延福宮穆清靈顧性

智三殿次北廣聖宮宣祐門內東廊次北資善堂講筵

所西廊次北崇政殿殿東西延義邇英二閣閣後隆儒

殿次北景福殿殿南延和殿殿西北迎陽門門內後苑



有太清樓延春閣儀鳳翔鸞二閣宜聖殿嘉瑞宣明安  
福寶岐化成金華清心流杯清輝親稼殿華景翠芳亭  
瑤津亭象瀛山池 建隆三年正月甲戌發開封浚儀  
民數千廣皇城之東北隅命義成節度韓重贇董役四  
年五月十四日詔重修大內以李懷義趙仁遂護役二  
十四日明德門成學士陶穀撰碑

乾德修宮闕

建隆三年正月十五日廣皇城東北五月大修宮闕乾

德元年

即建隆四年

五月十四日復增修宮闕

長編五月乙丑命李懷義

等增修宮闕當從長編月日

凡規為制度並上指授既成

二十四日明德門成

坐寢殿中令洞開諸門皆端直通豁謂左右曰此如我心少有邪曲人皆見之直史館梁周翰為五鳳樓賦以進其辭曰伊京師之權輿也遐哉邈乎驗河圖之象按輿地之書宅禹貢豫州之域距天文辰馬之墟因四履建侯之地為六代興王之居城峻而都河派而渠結坤之絡振乾之樞星薨櫛堵我民之廬海漕山膾我田之

租勢雄跨胡氣王吞吳茫茫萬國魚貫而趨惟聖皇之  
受命應期運而握符光潛躍於龍德踐元亨於帝衢道  
德何師尊盧赫胥揖讓何比陶唐有虞英畧神武威憚  
八區長鯨盡剗封豕必誅虎皮包办鵠板搜儒墜典皆  
索闕政咸鋪成天下之大務若雷奮而風驅乃顧京室  
時行聖謨陋宸極之非制稽紫垣之舊圖且曰不壯不  
麗豈傳萬世禹之卑宮蓋勿暇之計堯之茅茨非經久  
之制矧象魏之縣法伊億兆之所視况我力如天我貲

如地不漁爾民不牟爾利一毫之費差足為易乃詔共  
工度景之中因舊謀新庀徒儻功臺卑若豐棟易而隆  
椽斲而磬去地百丈在天半空五鳳翹翼若鵬運風雙  
龍蟠首若鼇戴宮丹楯霞繞神光何融朱楹虹植晴文  
始烘繡楣焜耀彫拱玲瓏椒壁塗赭綺窻暈紅雙闕偶  
立突然如峯平見千里深映九重奔星墜而交觸靈景  
互而相逢門呀洞缺若天之裂縱舉百武橫駕六轍金  
鋪爍人光景明滅舞陽之力莫得而排叔梁之力胡可

以挾其下則冠蓋蕤劍佩陸離車如流水待漏而馳  
駕肩排踵兼蠻渾夷萬衆紛錯魚龍尊卑咸去來之由  
此競奔湊於玉墀亶皇風之無外豈朝盈之有時三事  
庶尹乃拜表蕭牆謁帝未央以落大壯登訶永昌曰元  
聖明兮帝道昌威四海兮君萬方時高闕兮冠百常赫  
宋德兮垂無疆瞻天顏兮獻壽觴願君王兮長樂康帝  
曰俞哉爾觴且置當聽朕言庶曉朕意頃於戎馬之暇  
詳窺歷代之紀乃知乎夏德之衰璇室自庇商政之壞

傾宮大修楚王章華一身何寄秦皇阿房三世而棄漢  
武柏梁孽火隨熾陳后三閣義師尋至豈非乎禍生於  
漸欲起於恣亦如崇飲不已必至昏醉嗜色不已必至  
乏瘁遷怒不已必絕人祀窮兵不已必暴人齒甘諛不  
已必杜忠義溺讒不已必斥賢智亡國之君未嘗不爾  
朕皆知之得以趨避淫於土木雅不如是美其成功良  
以為愧不舉君觴恐驕朕志其大者天地所重者神器  
尾虎足冰終日惴惴當共重之勿使顛墜謹謝公卿無

志納誨羣臣乃退咸呼萬歲長編開寶元年正月乙巳大內營繕畢賜諸門名令洞開諸門

開寶修洛陽宮室 西京大內

開寶八年十月十九日

通畧作丁巳

將議巡幸遣王仁珪李

仁祚焦繼勳同修洛陽宮室明年三月辛巳帝至洛觀

其壯麗甲申繼勳等並進秩四月庚子郊丙午發西京

辛亥至東京

太祖生於洛陽樂其土風常有遷都之意

會要西京大內據

京城之西北宮城

舊名紫微城

周回九里三百步南面三門

南曰五鳳樓東曰興教西曰光政東一門曰蒼龍西門  
曰金虎北門曰拱宸正殿曰太極殿殿前有左右龍尾  
道日樓月樓次天興殿後有殿閣太極殿門之西面南  
曰應天門北乾元門次北敷政門次北文明殿次垂拱  
殿建禮門之西曰廣壽殿其北明德殿其次天和殿其  
次崇徽殿明福門內曰天福殿其次太清樓其次思政  
殿延春殿北曰武德殿明福門之西曰金鑾殿唐曰太極其  
次壽昌殿玉華甘露長壽乾陽嘉興殿金鑾之西曰含



光殿殿東廊後有紫雲樓樓前射殿南有講武殿殿後有後殿後苑內有長春殿東宮在蒼龍門之西宮後有飛龍院西有散甲殿 景德二年八月修西京大內以

將朝陵故也四年二月命崇文院詳定殿名己己次西

京三月己亥至自西京熙寧四年二月十一日復詔修

之政和三年十二月亦詔修大內

元豐七年七月四日河南守韓絳請修長

春殿等

太祖幸西京有留都之意李符陳八難不從李

懷忠進說晉王切諫帝悟即日還京上曰吾將西遷者

欲據山河之勝而去冗兵循周漢故事

開寶歷代宮殿名

書目一卷開寶中翰林學士李昉承詔以前代宮殿池苑臺觀門闕名號見於載籍者集為一篇上之 古者天子之居總言宮其別名皆曰堂明堂是也詩言白堂徂基禮言天子之堂初未有稱殿者秦紀言作阿房甘泉前殿疑起於秦時

咸平萬安宮

咸平二年閏三月丁亥宰臣張齊賢等言漢制帝母稱

長樂宮唐穆宗郭太后居興慶宮敬宗王太后居義安

宮文宗蕭太后居積慶宮今請命有司為皇太后李建

宮立名上紀云宮戊子詔以萬安宮為名遂以滋福殿為宮

祥符二年又以宮為滋福殿 章惠楊后名保慶宮景

祐元年九月庚子詔四年改慈德殿 建隆元年二月

上太后尊號詔曰王者立顯親之殿所以尊母儀開長

樂之宮所以伸子道

天聖長寧宮

地理志 天聖三年延福宮北建長寧宮內有太清玉清  
冲和集福會祥五殿降真閣景祐二年改長寧宮曰廣  
聖降真閣曰崇真

景祐廣聖宮

二年正月己酉改長寧宮為廣聖宮宮在禁中

在承天門之北

前殿有道家天神

三清玉皇

之像後起觀閣

降真閣

奉真宗神

御占宮城西北隅

天聖二年建

皇祐元年八月丁亥召近

臣宗室臺諫廣聖宮朝拜真宗神御殿以殿新成也

景祐延福宮

二年二月戊午御延福宮閱樂器政和二年十二月二十三日宴輔臣三年九月朔幸賜宴宣和七年三月十七日宴羣臣于延福宮之睿謨殿 宮在承天門北有

穆清成平會寧睿謨凝和崑玉羣玉七殿

地理志延福宮有穆清殿

嘉祐潛龍宮

嘉祐四年閏月修潛龍宮真宗為開封尹時廨舍也

### 嘉祐慶寧宮

嘉祐七年十一月戊辰皇子

英宗遷新位實錄七年八月庚寅一云嘉祐

八年四月十九日於內香藥庫之西偏建皇子位

嘉祐八年英宗即位九月庚

戌以舊位名興慶宮呂誨言唐有此宮名十二月改名

慶寧

會要又云在詔門內南廊治平二年賜名有閣藏仰覽書籍二月十一日呂公著請俟既郊歲豐乃

修宮從之

### 治平慈壽宮

治平元年七月二十一日中書門下表言在漢之隆實

居長樂有唐之盛亦闡義安請以皇太后曹所居為慈

壽宮殿為慈壽殿

紀實錄云五月丙辰上皇太后宮殿名曰慈壽

五月壬子

詔皇太后令稱聖旨出入唯不鳴鞭他儀衛如章獻明肅故事

### 熙寧慶壽宮 寶慈宮

熙寧元年三月十五日戊子中書門下言太皇太后曹

宮殿請以慶壽為名皇太后高宮殿以寶慈為名從之

後慶壽宮建慶壽萃德二殿寶慈宮建寶慈如徽二殿

二年五月太皇太后遷居慶壽宮七月皇太后遷居寶

慈宮

元祐崇慶宮 隆祐宮 紹聖慈德宮 聖瑞

宮

元祐元年閏二月十九日丁未詔曰漢家致孝有朝夕  
供御之廷唐室承顏嚴歲時慶賀之禮逮于列聖咸有  
舊章建太皇太后高宮曰崇慶殿曰崇慶壽康皇太后  
向宮曰隆祐殿曰隆祐慈徽紹聖元年閏四月十八日



詔改隆祐宮曰慈德宮前殿曰慈德中曰仁明後曰壽  
昌二年五月以皇太妃朱宮為聖瑞宮 昭懷劉后宮  
曰崇恩顯肅鄭后宮曰寧德

### 元祐睿成宮

元年閏二月二十一日詔神宗所居東宮為睿成宮元  
符元年四月幸先朝從龍宮並推恩

### 元符龍德宮

三年二月辛酉徽宗詔懿親宅潛邸名龍德宮有申福

臻祥二殿

政和龍德太一宮

見祠宮類

陸韶之記曰臣竊惟皇帝陛下修誠祀祗奉上真登秩薦饗昭備典策乃政和八年戊戌之歲龍德太一宮先成宮直都城之西北隅實龍潛之舊邸也仰摹宸極一新祠庭前殿曰黃秘之殿次曰統元之殿次曰神貺之殿門曰黃秘之門高真象設次序分布棟宇鞶鞶栢飛騫棲金浮翠蔚跂嶮遠而望之祥煙佳氣若與

慶霄連接上下既成靈輿幸焉躬執薦告之禮祈為蒼生致福已而敷大宥於天下又詔儒臣為之記而臣淺陋得以筆札待罪辭不獲命謹拜手稽首而言曰紫宮深巖天極當中其一明者太一常居太一蓋天地之最貴者也列宿森拱五精密輔天一屏鋒終旗晻曖招搖左麾攝提右捷陽寬陰魄下上承臨為一為九稱號隨異冥樞恍惚靡得測知而五福太一者其十種之一也運行有時數次舍有分野直其所臨之方則諸福徃集

歲穰民阜兵寇寢息蓋上天孚佑下土以助有天下國家者致福於斯民也我宋之興太宗肇建宮於東郊仁宗復立宮於西郊隨其遷次以昭奉事逮神考在位則又迎致中都即都城而立宮焉然則祖宗致福斯民之意槩可見矣今陛下嗣服膺統而著雍闓茂之歲太一適臨於乾維是歲天道多在西北元命之辰興王之地適然契合新宮之成真莫大之慶龐禧繁祉是降是集天子萬年子孫千億神靈之應如此其意固可默諭矣

抑臣嘗謂乘時任數集福於聖躬者太一之福敷錫於天下無東西南北之異者陛下也作新館御飭躬修款意在於均福生民所謂敷錫之於天下者是已德意所在雖不待戶曉而人皆知之顧臣為記以詔萬世亦不敢畧此抑臣又嘗聞周家文武之君能下下以成其政於時歸美之詩曰俾爾單厚俾爾多益繼之言文武之事其說以謂文武不自厚而厚下故為天下所厚不自益而益下故為天下所益福祿來歸文武固不得而辭

之也今陛下承太一貺施其得福祿亦當如天保所賦者臣於此不能復贅其辭矣 王俊記曰臣竊惟皇帝陛下以聰明睿智之資撫綏方夏湛恩厚澤春育海涵若大若小罔不受賜其顯者固已措諸政教以福天下矣至於高真貴神敷佑儲祉豐衍穰簡大被於黎元者亦欲欽崇而不怠也比者泰一適臨乾維揆景相方聿求異壇用伸館御之嚴厥有遂清吉蠲休福所萃之地是為龍德上意既定有司倅圖斤工墨師勸力不怠粵

政和八年宮告成飛宇承電壁門洞開秘殿中敞次舍  
序列金碧爭輝像設具嚴肅若威神之在消日之吉鑿  
輿臨幸儼恪肅恭精意昭格已而大啟黃秘明俾都人  
士女咸得肅心注目以祈福釐稚耄踵塗駢肩以進歡  
聲協氣充塞穹壤厥惟盛哉有旨命臣為之記臣以儒  
學道迹搢紳泚筆待命臣之職也詎敢以蕪類為辭謹  
拜手稽首而言曰惟星經具載天象天極星其一明者  
太一之常居也太一中居五星環拱是為天神之尊漢

人謂天神尊者太一其佐曰五帝蓋謂此也初說者謂貴神有十而尊曰五福遷徙有常率四十五歲而一易靈游所直之方祥慶駢集雨暘時叙農扈婁豐民物阜康無或疵癘由是太宗仁祖即東西郊建宮焉神宗迎致中都奉祠益謹三聖述作所以竭虔妥靈曲盡其至然建宮乾維實有待於聖時肆真主纂服繼猷益茲祠事郊禋廟享既肅既祇乃新是宮以篤宋祜眷維是宮昔為龍潛之藩今為上真之宇昔為膺錄受圖之地今



為延祥集祉之宮告成於戊戌實元會之歲也直都城  
之西北隅實照臨之方也神謀人事不約而同垂億萬  
年永集純嘏然臣伏觀皇帝體道觀妙與神為一為福  
為祉在我而已然則作新殊廷寅奉上真凡以為民祈  
福者不得不然也臣愚陋誠不能窺見聖德然嘗讀洪  
範曰欽時五福用敷錫厥庶民臣愚幸親見之

建炎升暘宮

元年六月三日辛酉名潛邸為升暘宮

建炎隆祐宮

元年八月庚午

日十二

詔以元祐太后

孟

宮為隆祐宮於

是更稱隆祐太后

隆祐本欽聖憲肅宮名蓋學士院

失之

紹興臨安行宮

建炎三年二月十三日車駕至杭以州治為行宮紹興

元年十一月八日命內臣楊公弼與徐康國勅行宮務

簡約去華飾裁為百楹

初欲為三百楹上不  
可所御殿才三楹

二年正月

十四日自越還臨安九月二十九日南門成名曰行宮  
之門九年作慈寧宮十二年作垂拱崇政殿十八年三  
月十四日名南北門曰麗正和寧二十四年九月建六  
閣二十八年六月八日增築皇城東南之外城五百四十一丈  
九月二十二日名新南門曰嘉會時復營祥曦福寧等殿 乾道九  
年重修後殿門淳熙初作選德殿八年秋改後殿擁舍  
為延和殿

紹興建康行宮

建炎三年四月丁卯改江寧為建康府五月八日駕至

建康駐蹕神霄宮紹興三年正月命守臣趙鼎營建康

行宮十一日鼎以圖來上命孟庾經畫五年五月戊

午命帥漕臣繕治行宮修城壁及省部百司倉庫具

圖來上務從簡約

癸亥自吳門還臨安

七年四月進幸八年二月

復還臨安遂定都焉三十一年十二月幸建康次年二

月還臨安張守謂建康自六朝為帝王都江流險濶

氣象雄偉且據要會以經理中原依險阻以扞禦強敵

可為別都以圖恢復 胡安國建都論曰還都建康環  
諸路而中持衡則人心不搖駐蹕金陵本以舊邸號稱  
建康降詔為受命之符 建炎元年五月辛卯詔修江  
寧城及繕治宮室又命築景靈宮其後不克成

### 紹興慈寧宮

九年十月二十一日詔皇太后顯仁宮殿名慈寧三十

日畢功其後憲聖吳后宮曰慈福成肅謝后宮曰壽慈

臣等言德之大者必

盡萬物之報以稱其禮孝之至者必得四表之心以寧

其親天祚文武之隆世基任姒之德仰模太紫前考異

宮宜昭揭於鴻名以荅揚於流澤臣

中賀

竊以東朝置

衛速存長樂之鴻名中禁承顏近著寶慈之茂實皆以

體皇居於宸極據寶勢於坤靈廣一人欽愛之風極萬

世尊崇之奉載新令典允屬聖時伏惟皇帝達孝通于

神明要道形于德教紹復大業對越祖宗在天之靈抑

畏小心躬蹈帝王高世之行人與能而樂戴天復命以

中興上推履武之祥丕啟生商之慶方且致天下之養

用夤奉於母儀成路寢之威示日嚴於子道臣等率願  
衆志懇款一詞爰稽合於前章極崇施於顯號叶情文  
而並舉煥典冊以增華輦道中通朝夕燕兩宮之奉珮  
環入覲時節奉萬年之觴示垂裕於無疆益儲休於有  
美伏請建皇太后宮殿以慈寧為名 紹興九年后有  
歸耗命有司豫作慈寧殿于禁中遙上冊寶十二年九  
月壬午回鑾十九年正月朔即宮中行慶壽禮二十九  
年復行於慈寧殿慶典自此始 十三年五月壬午臧

保衡獻皇太后還慈寧宮頌特進一官

紹興德壽宮 淳熙重華宮

先是以秦檜舊第為新宮三十二年六月戊辰名曰德

壽丙子太上皇帝內禪即日駕之德壽宮

在太內之北望仙橋東

淳熙十五年八月五日擬進皇太后吳宮名曰慈福

十六年正月十五日丙午皇太后遷慈福宮

表云迺敞六安之舊

就經長樂之新

己未詔德壽宮改為重華宮二月壬戌內禪移

御 光宗內禪以舊福寧殿為壽康宮

初曰泰安後改

而更建



福寧殿御書宮殿名七字五日一朝 紹熙末改重華  
宮為慈福宮以舊慈福宮為重壽殿二太后皆徙居此  
後又改慈福宮為壽慈以奉太后壽成  
謝后  
藝祖遺訓宮中止用赤白為飾仁宗故事欄楯徹去朱  
綠之采

歷代宮名

周秦時

虎祁

晉

銅鞮

晉

章華

楚

逃夏

越

咸陽

秦

長信

秦

阿房

秦

望夷

秦

梁山

秦

館娃

吳

前漢

未央

建章

長信

長門

櫟陽

長樂

五柞

咸陽

甘泉

德陽

陵陽

回中

首陽

文門

昭臺

雲陽

陽靈

林光

龍泉

明光

萬歲

池陽

蒲萄

黃山

太一

思子

夜光

棠梨

扶荔

鼎湖

宜春

谷口

望仙

通天

步高

望遠

集靈

曜華

養德

四寶

延壽

七里

曾城 天梁 栢梁 長楊 資陽 鼓簧 承光  
長平 鈎弋 萑陽 械陽 永安 修池 祈年  
後漢

永安 長樂 池陽 長秋 永樂 胡桃 承光  
德陽 東平

前魏

永壽 永安 永寧

西晉

永昌 弘訓 崇德

六朝

建康 安德 昭明吳 太初吳 金華 樂安 安樂

梁樂修陳

後魏

大夏 閻闔 金墉 盛樂代  
下同 萬壽 承華

廣德 壽安 崇光 寧光 永樂

北齊

靜德 金虎 聖應 崇光 三臺

後周

長春 正陽 天興 雲陽宮行 天成宮行

隋

紫微 青城 景華 明德 朝陽 棲雲 積翠

甘泉 仙經 仙都 仁壽 天經 松仙 阜澗

顯仁 離光 流英 紫芝 疑華 搖景 浮彩

舒芳 懿樂 彩壁 淑風 清暑 朱明 翼仙

翠微 層城 千金 長春行宮 臨江行宮 汾陽行宮

唐

太極 弘義 大安 通義 躍龍 慶善 太和

翠微 大明 永安 蓬萊 玉華 九成 萬年

奉天 三陽 興泰 興慶 華清 溫泉 仁智

飛山 明德 合璧 萬全 紫桂 飛龍 望春

上陽 望賢 九曲 魚藻 新沼 咸宜 冷泉

高山 龍鱗 積翠 宿羽 青女 凌波 芳樹

紫微

積善

長春

行宮

連昌

行宮

繡嶺

行宮

五代

大明

大寧

至德

建昌

興聖

長春

大昌

積慶

廣德

興義

慶昌

太平

長壽

昇平

十六國

建章

逍遙

未央

長安

和龍

紫陌

丹臺新錄所載

易遷

七葉

上清西

紫清上

太霞

太素

繁玉 琅華 滄浪 玉玄

契丹

洪義 永興 積慶 延昌 章敏 長寧 崇德

興聖 敦睦

見國史傳

詩曰陟降厥士日監在茲言人君所居天所監也  
又曰迺眷西顧此維予宅言文王之宅天所顧也天  
之眷顧在文王居處之間 朝寢堂室牖戶房夾具  
有儀則非以奉已也所以疏視淪聽儲神習體清政



令之原也 芸若充庭槐楓被宸 繁飾累巧 儻

拱木於林衡授令模於梓匠遐邇悅豫而子來工徒

擬議而騁巧 揆日晷考星耀 木無彫鏤土無締

錦 夷庭廣廡厚棟修梁弗陋弗侈惟禮是憲 土

事不飾木功不彫 服珍裘則念人之寒居夏屋則

念人之熱 非章華是靈臺鑿茅茨於陶唐察卑宮

於夏禹 周宣斯干之制漢祖壯麗之儀延王爾之

奇工命班輸之妙匠 星居宿陳綺錯鱗比 規景

水泉 金鋪交映玉題相暉 元棟鏤楸若騰虹之  
揚眉飛簷舒喙似翔鷗之矯翼 華棖璧璫輦道纒  
屬 奔星更於閨闈宛虹拖於楫軒青龍蚴蟉於東  
廂象輿宛憚於西清靈囿燕於閒館倥傯之徒暴於  
南榮 陳圭置臬瞻星揆地 規矩應天上憲背甌  
烈若鈎星在漢煥若雲梁承天 碧瓦鱗差瑤階  
肪截 深闈秘殿曼宇疏楹 彤軒紫柱文棖華梁  
綺井含葩金墀玉廂溫房則冬服絺綌清室則中夏

含霜 應門八襲璇臺九重表以百常之闕闌以萬雉  
之墉 雕欒鏤柰青瑣丹楹 鄰斗極之光輝邇天漢  
之波瀾 雲譎波詭 雕楹玉碣繡栴雲楣 仰福帝  
居陽曜陰藏 命般爾之巧匠 詩歌楚室頌美泮宮

雲多甘泉晏恢景福 天垂定星易有大壯君人者  
灋焉 周人考室見於風雅魯國作門記備春秋漢起  
德陽鍾離抗言魏營宮殿陳羣正辭 周宣考室詠於  
詩人闕宮有血頌聲是作 鳩經始之黎民輯農功之

暇豫 宏璉豐敲 飛宇承霓 層榭三休 瑯簷四注

千樂電斜 萬栊霓張 紅葩植井 丹桂承梁 千楯鳳

起萬拱鸞浮 虹梁鯨棟 授矩司臬 脩棟虹指飛

薨鳳翔 網戶翠錢 青軒丹墀 陞納九齒 閭披四目

楯角儲清 簷牙衰縵 雕牖紺間 鏤楹熠煜 度弘規法

大壯 虬柱虹梁 望玉繩而結極 承倒景而開軒 頰

素炳煥粉 拱嵯峨陰蚪 負擔陽馬 承阿錯以瑤英 鏤以

金華方䟽 含秀圓井吐葩 霞駁丹檻 雲攢萬楹 翔


鷗墜於層極宛虹拖於遊梁  
丹柱歛翹 屈侗雲起

浮柱岵嶸萬楹磊砢 飛梁虹指層櫺磔堦  
芝栴

戢香 圓淵方井 朱鳥舒翼以持衡騰虹繆蚪而遶

榱 飛欄翼翥 千櫺赫奕萬拱峻嶒 邢子才新宮

賦擬二儀而建路寢法三山而起翼室大厦眈眈斯干  
秩秩土成黼黻木化蛟螭陰梁北注陽馬南施百楹列  
倚千櫺代支



玉海卷一百五十八